

2014 年 2 月 28 日  
荃城友愛敬老樂新春活動  
扶貧委員會社會參與專責小組  
築福香港工作小組  
紀文鳳主席致辭全文

陳耀星主席，葉錦菁專員，趙主席，陶議員，文議員，各位嘉賓，各位朋友，各位老友記：

大家好！

首先我要代表扶貧委員會社會參與專責小組衷心感謝圓玄學院同新界社團聯會荃灣地區委員會支持同響應「築福香港」活動，主辦今次「荃城友愛敬老樂新春活動」，在圓玄學院依度延開 50 席，讓各位老友記可以一聚，歡度一個下午，充分實現「築福香港」希望凝聚各方力量，推動民商官跨界別三方協作，建立守望相助，分享是福的社會文化。

「築福香港」由一月開始，已經得到各界支持，登記活動項目超過 400 項，大大小小嘅活動好似贊助賀歲盃足球入場票，餐飲業在敬老月招待長者的點心派對亦都陸續舉行，致於大型社區活動，今天是第二炮，亦係由荃灣區帶頭，衷心感謝主辦單位。

大家知唔知道「築福香港」的標誌係由 4 個福字組成，今日我亦帶·「築福香港」的紀念品，送俾大家。有一個扭計骰、一套紀念襟章同一個貼紙。你將張貼紙轉 360 度，就搵到晒！

·，第一個福字代表惜福，凡事要珍惜，珍惜你所有，珍惜身邊的人。

第二個福字代表積福，就係多行善，做好事。

第三個福字代表造福，就係你幫人，人幫你，大家守望相助。要知道「能

夠幫人係你的福氣！」

有齊惜福，積福，造福，第 4 個福就係幸福。希望大家團結為香港呢塊福地凝聚更多福氣！

喺呢度我祝願各位荃灣區的朋友，萬事如意，全家幸福！

大家好好享受一個歡樂的下午！多謝大家！

[約兩分半鐘內]